


59  
1512  
Z4T88  
1748a  
v. 1-3

御製詞林典故序  
詞林典故書成大學  
士張廷玉等以序請  
朕惟六經之士豈易  
言哉而況躋玉堂而





列芸署者盡六經之  
彥也木天故事歷代  
沿革具見於斯則又  
何言惟是國家重館  
閣之選極優遇之隆



振止蜚其英聲將以  
華國而已哉如濂溪  
所謂文以載道者舍  
是無他求夫布衣韋  
帶之士由立言臣期



不朽足矣若夫國家  
右文重道將以泐  
熙績繼往聖之絕學  
開萬世之太平晉是  
賴焉名之盛者實難



副任之大者責彌重  
譽之來者毀亦隨其  
尚思春秋實之喻  
而凜虛車麟楨之譏  
哉



乾隆



戊辰孟春御筆



書詞林典故序畢因  
以賜大學士張廷玉  
兼成四絕句

儘有研系竝練都  
道以何用但吹竿  
便將翰苑登瀛  
譜喚作卿家世



系圖

日影花磚鈴索靜春風

芸署榜題雙寶山自古

稱佳話事業何人繼

曲江

韻集燕公四十賢

劉長卿云



十五  
個  
賢  
人  
如  
四  
晨  
星  
如  
羅  
一  
博  
然  
朕  
辛  
翰  
苑  
廣  
吟  
尔  
來  
尚  
書  
者  
如  
大  
學  
士  
鄒  
不  
數  
年  
皆  
物  
故  
矣  
即  
看  
壁  
高  
哀  
朱  
帙  
重  
憶  
柯  
亭  
劉  
井  
邊  
見  
祝  
房  
公  
獨  
善  
謀  
儲  
二



長領鳳池頭  
交蓋兩世  
桓榮席  
維不云然  
腰一籌  
三希堂御草





繼纂居清太保殿學兼吏部尚書兼翰林院事等伯表臣張廷玉等奉

勅修輯詞林典故告竣恭呈

睿覽臣等謹奉

表恭

進者伏以

景運啓圖書不煥奎躔之色

宏模垂琬琰永增冊府之光



羅中祕之傳聞瑤編綯日

志仙曹之法守錦帙霏霞藜照同輝芸香倍

馥

臣

等誠惶誠恐稽首頓首上言竊惟翰

林逼華蓋古號清班學士登瀛洲世稱榮

選爵秩剏興於唐代官制漸備於歷朝雖

沿革互有不同而職業總歸一致蓋鑾坡

侍從實爲顧問所資而鰲禁追趨與有論



思之責非直摘華採藻誇柔翰於儒林傍  
日瞻雲侈榮階於內相而已歷考古文之  
代典學常勤惟茲珥筆之官加恩勿替青  
綾翠錦自昔艷爲美談蓮炬花墩至今傳  
爲佳話是以槐廳芸署不少前聞劉井柯  
亭獨饒故事但紀載非無散見而薈萃罕  
有全書茲蓋伏遇



皇帝陛下

舜德重華

堯文光被

建中和之極玉振金聲

攬制作之全星陳雲爛時值

萬幾之暇

賜幸玉堂遂令百世之榮騰聲壁府猶以官曹



舊設宜討論其源流載籍紛岐應蒐羅其  
事實爰奉纂修之

命輯成典故之書起例發凡由

國朝以上推往代條分縷析自官制而下及題  
名繫以職司知紀言之有要稽其姓氏見  
入選之爲榮統以八門釐爲八卷況乃

鸞旂寵賁



鳳藻高騫榮施卓冠於成編

盛典彌超於往牒由今視昔諒千秋運會之  
難逢伊古來茲信此日文明之極盛雲翔

閩苑

恩溢瀛波

臣

等學愧雕蟲才慙繡虎八軼道上

忝侍游歌五色雲中恭瞻

翰藻幸編摹之有屬思報稱以逾難擬在官而



言官懼隸事而遺事無如見聞固陋學殖  
荒蕪旣識記之不詳亦鋪揚之未盡伏願  
乾坤度量寬挂漏之疎

雲漢光華增簡端之重則昭垂藝苑彌珍李  
肇之編傳播詞垣可補陳騃之錄矣臣等  
無任瞻

天仰



聖激切屏營之至謹奉

表隨

進以

聞



乾隆十二年十二月初四日

經講起程實錄學兼書兼掌翰院事稽勳

臣

張廷玉

經講官刑部尚書教習庶吉士加二級紀錄

臣

汪由敦

兵部左侍郎加二級紀錄一次

臣

王會汾



內閣學士兼禮部侍郎紀錄三次

臣

劉

綸







內閣學士兼禮部侍郎臣劉綸

分修官

詹事府少詹事今陞禮部右侍郎加一級紀錄三次臣沈德潛

原任日講起居注官侍讀學士加二級紀錄四次臣于振

侍讀學士臣程景伊

日講起居注官侍講學士加一級臣周長發

日講起居注官左春坊左中允今陞侍講加二級臣于敏中



日講起居注官左春坊左諭德兼佐領臣興泰

原任編修加一級紀錄六次臣張映斗

編修加一級紀錄三次臣朱荃

檢討加三級紀錄五次臣郭肇鎡

編修加二級紀錄五次臣錢琦

編修紀錄三次臣吳嗣富

編修加一級臣孫人龍



編

修

臣

邵齊燾

武英殿監造

內務府南苑郎中兼佐領加七級紀錄二十次

臣

雅爾岱

內務府錢糧衙門郎中兼佐領加六級紀錄十六次

臣

永保

內務府錢糧衙門員外郎兼佐領加一級紀錄五次

臣

永忠

內務府廣儲司員外郎

臣

永泰

內務府廣儲司司庫加一級紀錄五次

臣

三格



監造加一級臣李保

監造加二級臣姚文彬

庫掌臣虎什泰

庫掌臣高永仁



言木其古

聯名

三



詞林典故目錄

卷一

臨幸盛典

卷二

官制

卷三

職掌



卷四

恩遇

卷五

藝文

卷六上

儀式

卷六下



解署

卷七

題名上

卷八

題名下



詩林典故

目錄

一



詞林典故

卷一

臨幸盛典

我

國家誕受

天命。百年於茲。

列聖重光。德化翔洽。



皇上紹膺大寶。文治昌明。崇禮官。考制度。麟麟炳炳。與唐虞三代媲美隆矣。歲甲子。

親臨院署。隆儀茂典。徧及儒林。往牒所傳。罕有

倫比。維時臣鄂爾泰臣張廷玉。實掌院事。

恭逢

大禮慶成。頓首入謝。伏念翰林地望清華。古稱榮遇。累朝掌故。宜有完書。雖在唐有李



肇翰林志。韋執誼翰林故事。在宋有蘇易簡續翰林志。陳騏館閣錄。在明有黃佐翰林記。諸家撰述。各著於時。然或專載一朝。未晰端委。且從來見聞所及。盛事美談。至我朝爲尤備。因請哀集成編。以揚庥光而表鴻懿。



溫旨允行。

臣

等退而敬率同官。甄綜故實。分類

排纂。曰

臨幸盛典。曰官制。曰職掌。曰恩遇。曰藝文。曰儀

式。曰解署。曰題名。統著之曰詞林典故。爲

卷凡八。釐次以

進。惟是

聖駕俯臨。宜歸恩遇。而特詳書典禮。冠諸簡端。



者。一以誌古今未有之殊榮。一以紀修輯  
茲編之緣起。皆於是乎在云。

乾隆八年冬。

上以翰林院署。歲久傾圯。

詔頒太府金。重加修葺。

命戶部尚書

臣

海望。工部尚書

臣

哈達哈。戶部

侍郎

臣

三和。董其役。越歲迄工。若門。若堂。



若廳。若亭。若垣。黜堊丹雘。嚴翼崇閎。九年

十月。

御書稽古論思集賢清秘二額。顏其堂。並

賜古今圖書集成一部。貯寶善亭。

勅所司諏吉日。送掌院大學士進院。

上親臨錫宴。先期禮臣具儀注以聞。二十七日。

庚午大昕。



車駕出長安左門。設鹵簿。掌院大學士及翰林  
官俱綵服集院門外。跪迎。

乘輿。大臣奉引前導。

車駕入詣。

先師祠行禮。有司預入設。

御席於後堂中。

寶座前南向。設掌院大學士及分韻諸臣席於。



堂上其餘以次設於東西廊及左右階下。俱東西向。樂部陳中和韶樂於東西廊下。陳中和清樂於東廊下。陳丹陛大樂於敬一門之旁。俱北向。有頃中和韶樂作。奏隆平之章。

上御吉服升坐。樂止。丹陛大樂作。奏慶平之章。掌院大學士率羣臣由左右閣道入。至階



下行禮。如大朝儀。樂止。羣臣詣坐次。一叩首坐。丹陛大樂作。奏文物京華盛之章。

上進茶。羣臣就坐。次一叩首。樂止。侍衛授羣臣茶。行禮如前。飲畢亦如之。尚膳移

御膳近前。中和清樂作。奏玉署延英之章。

上進饌。樂止。承應上。陳唐代十八學士登瀛洲故事。有司以饌分授各筵。承應止。乃撤。尚



膳復進

御宴席。兼設羣臣宴。掌儀奉臺盞及壺卮。由中  
墀進。丹陛大樂作。奏延閣雲濃之章。羣臣  
俱起立。掌儀進至廊東西向立。酌酒。進爵。  
大臣出班跪。羣臣畢跪。掌儀以臺盞授進  
爵大臣。恭進。  
御前。復跪前所。



上進酒。進爵大臣一叩。羣臣皆一叩。進爵大臣起。至。

御前受臺盞下。復跪。掌儀跪接而退。羣臣起立。掌儀以金卮酌酒立。

賜進爵大臣。進爵大臣一叩飲畢。掌儀立取卮退。進爵大臣再叩興退。樂止。羣臣皆坐。承應上。陳唐代晦日幸昆明池百官賦詩故



事。

上召大臣以次至

御前

賜酒。咸跪飲。一叩首退。侍衛分授羣臣酒。行禮如

賜茶時。復坐。承應止。丹陛大樂作。奏慶平之章。大臣暨羣臣起立。趨階下謝宴。行禮如初。



樂止。中和韶樂作。奏顯平之章。羣臣皆退。  
儀部恭導

上至齋房更衣。

駕出。掌院大學士率羣臣於院門外跪送。禮成。

方

讌之初設也。扶桑旭日。纔上觚稜。沆瀣珠光。  
猶盈仙掌。



皇上升黼座。顧輔臣而言曰。時當陽月。和煦如春。

天心忻洽。朕與諸臣交慶之。羣臣咸頓首稱賀。奉

旨。重葺翰林院落成。車駕臨幸。錫宴。送大學士

鄂爾泰。張廷玉進署。以張說東壁圖書府

五律字爲韻賦。東字音字二首。勅諸臣各

分一字賦詩。



上又念人數爲字所限。未能遍及從臣。

命復賦柏梁體一篇。

上首倡。諸臣依次分韻。俾凡籍翰林。及旣改官  
晉秩而舊爲翰林者。皆與焉。總百六十有  
五人。當承應上時。

上舉十八學士登瀛洲事。顧大學士臣爾泰臣

廷玉曰。卿等無媿房杜。顧朕弗逮唐太宗



耳。二臣惶恐避席奏言。

陛下上法堯舜。過唐太宗遠甚。臣等謏劣。亦思

孜孜日贊。少効交修之責。然限於才力。媿

出房杜下。有負

聖諭。因頓首謝。

上又因昆明池賦詩事。諭羣臣曰。翰林之職。雖在文章。要貴因文見道。爾諸臣當明體此



意。羣臣竦然敬聽。復頓首謝。宴畢。

賜樂善堂全集。性理精義各一部。及名茶。文綺箋。絹。時果有差。羣臣趨出。候

駕於河堤之東。日未移晷。尚書公

臣

訥親捧

御製七言長句四章。宣示命和。則

上又於更衣次所。走筆立成者也。羣臣跪誦。於

金和玉節之中。寓明良一德之旨。相與驚



歎。以爲天縱化神。從古帝王所未有。

駕出。欽承

天語。戒諛崇實。於末章深致意焉。

御製得東字

撫序權居北。占星壁在東。斯干歌翰苑。於樂鬯  
儒風。改殿當年異。登瀛此日同。三台司道筦。二  
老亮天功。樂具卿雲奏。筵開湛露融。底希光舊



史長此贊微躬。

大學士伯臣鄂爾泰得壁字

稽古鑒冰淵。集賢逮珠礫。

清鑾一幸臨。曲宴重申錫。湛湛露零蕭。煌煌雲

拂翟。聆

言發羣蒙。望道生微的。愧切亮天功。感深維

帝績。濡毫紀玉堂。揆藻雕瓊壁。



大學士伯

臣

張廷玉得圖字

卿雲籠玉署。

黼座啓蘿圖。甄影迎

天步。金聲仰

聖謨。

龍文成五采。虎觀拜諸儒。襄贊

臣

何有。賡颺

帝曰俞。宴歌魚在藻。詩叶鳳鳴梧。兩世桓榮席。



捫心感愧俱。

大學士臣福敏得書字

瀛海通仙島。蓬萊近

帝居。經營

命將作。師濟集華裾。吉日鳴

鑾輅。彤雲麗玉除。歌詩傳漢體。挾藻邁唐初。典

以



絲綸重。賢從棧樸儲。皇哉

文治蔚。金管不勝書。

大學士臣陳世倌得府字

鳳沼構新模。

金根臨秘府。昭回斗極瞻。

挾麗天葩吐。署榜煥

宸章。肆筵優上輔。賡歌遇益隆。式宴



恩尤溥。芸館得師資。綸扉慚步武。瑤編盛事傳。  
泰運符三五。

大學士臣史貽直得西字

延閣崇華構。丹楹煥碧題。五雲承

玉輦。

六馭下金閨。珠樹聞鸞嘖。梧岡有鳳棲。訾黃漢  
詎擬。飛白宋寧齊。清漏因風遠。餘香滿袖



攜。

皇儀儼升日。鵠佇

御河西。

禮部尚書

臣

任蘭枝得園字

蓬觀輝文棟。儒風振禮園。

輦臨承寵渥。宴錫拜

恩蕃。領署榮朝宰。斯文仰



至尊翰林華蓋近。仙榜紫雲騫。地有儲材重。庭  
霑緯露繁。侍

宸曾舊忝。燕賀喜同倫。

兵部尚書

臣

彭維新得翰字

玉河鰲柱凝。冰署翬飛煥。

法駕此經臨。錄圖仰總貫。晴暉麗廣欄。

天藻瞻層漢。袞袞鼎台榮。飲和卿士衍。陪遊殊



北門稽典軼東觀。交勉抒丹誠。寧徒濡紫翰。

刑部尚書臣張照得墨字

天祿成雲亭。經郛闢香域。知印重黃扉。爲龍下

紫極。詞猗玉井蓮。翰潑金壺墨。

瑤札開日華。文機効花織。咸歌



元首康。宜竭股肱力。臣筆乏顏筋。茗華辱鐫勒。

工部尚書臣汪由敦得林字

瀛沼文章囿。蓬山道德林。論思寅亮重。著作職司欽。秘署新雲構。

鑾輿賁日臨。

仙毫揮禹篆。

聖藻協虞琴。列座霑需澤。分箋屬雅吟。榮因稽



古力。賡拜奉

徽箴。

左都御史

臣

劉統勲得誦字

詞垣棟宇新。

天筆龍鸞縱。地接五雲多。人仰三台共。雍容

大駕臨。左右元臣從。賓筵周禮陳。韻字唐賢用。

颺言到衆僚。紀事聽輿誦。允矣毓珪璋。休



哉興雅頌。

吏部侍郎臣阿克敦得詩字

文槐雲際起。彩仗日邊移。

天什披瑤檢。

恩波溢鳳池。圖疇開聖統。禮樂及昌期。

寵錫夔龍佐。文聯班馬詞。持衡慙厥職。珥筆憶

當時。燕樂承



君貺同歌保定詩。

戶部侍郎臣梁詩正得聞字

秘苑新苞茂。清時洽軌文。領才資碩輔。優

禮荷

明君。燕酒周王藻。鸞旂魯泮芹。

題瞻重璧合。韻許列仙分。

帝曜輝丹地。奎躔麗錦雯。湘騰增故事。



盛典越前聞。

倉場侍郎

臣

彭樹葵得國字

冊府慶重新。堂廉賡一德。雍容侍從才。鄭

重清華職。鰲禁燦星躔。蘭臺依

斗極。深嚴鳳來儀。峻聳烏斯革。

綵仗藹繡纓。

薰歌垂麗則。寧惟異數誇。矢報期華國。



兵部侍郎

臣

陳憲華得政字

西清文囿開。東壁奎躔映。孔彞煥離明。來

遊宣

巽命。風華首

盛朝。勸相美王政。

龍畫燦璇題。天漿挹斗柄。槐廳湛露歌。藜閣斯

干詠。三爵秩宏儀。千秋逢



主聖。

刑部侍郎

臣

錢陳羣得講字

輪奐起奎垣。螭鰲迎

御棒。向榮柯發條。濬脉井通港。周孔會精神。堯

湯齊背項。山輝玉韞烟。川媚珠胎蚌。鰓俊

重旁招。論思資坐講。所希均化鑪。俗厚銷

爭鉅。



工部侍郎

臣德

齡得易字

人文慶化成。石渠煥新宅。

聖日親降臨。台星領仙籍。弼諧襄禹謨。幽贊研

義易。英濩動金廂。雲疊羅綺席。

九重深念典。寮采思無斁。湛湛露斯零。柯亭森  
翠柏。

工部侍郎

臣呂

熾得見字



文教首蓬瀛。

鴻儀今創見。鑾坡楹桷新。瓊榜星雲綯。廳樹颺  
龍旂。亭波涵雉扇。欣瞻

日采臨。特重珠衡眷。雅韻發金聲。華筵羅玉饌。  
卿僚載拜賡。千古傳詞院。

內閣學士臣宗室塞爾赫得天字

美煥瞻新署。



溫綸錫九天。

洪頤森羽衛。清珮萃班聯。仙榜雲霞爛。

宸章日月懸。馨承頒玉醴。榮忝立花磚。載頌逾

三祝。興歌叶五絃。昇平叨盛遇。寧數撒金蓮。

內閣學士臣德新得心字

省署森丹蘄。鈞衡簡



帝心。堂開紛積玉。榜列燦垂金。鏘珮儒臣集。和

鑾

聖主臨。雕盤分

御饌。

鴻藻譜瑤琴。共聽薰風奏。羣賡晨露吟。承

恩重二老。由豫盍冠簪。

內閣學士

臣

秦蕙田得位字



垂裳郅治昌。建極文思賁。洵直叶風詩。殊  
榮光鼎位。

義文緯壁輝。

舜日金坡被。沆瀣泛瑤卮。韶咸諧鳳吹。

恩涵劉井深。化與瀛壖暨。染翰職絲綸。銘心拜  
嘉賜。

副都御史臣勵宗萬得竊字



帝籙運昌明。詞林地清切。丹青聿壯觀。杞梓儼成列。

光華雲日昭。

恩數古今絕。韻許百僚分。醴因元老設。兩省歷追陪。三世重叨竊。報稱夫如何。低徊緬曩哲。

通政使臣敷文得和字



翬翼占奎朗。鸞鳴協景和。盛儀班玉陛。

清蹕駐鑾坡。署迥金華爛。池深魚藻多。

鴻恩榮輔弼。燕喜集簪珂。涓露詩堪比。陽春節

乍過。小臣司獻納。大化詠菁莪。

通政使臣張若靄得羹字

華省葺初成。鸞臺聽

輅聲。九天瞻



黼黻六琯奏韶莖。

露向豪端湛。春從句裏生。詩分燕國字。禮重傅

巖羹。

曠典光圖牒。羣材萃

盛明。小臣慚接武。兩代沐

恩榮。

大理寺卿臣嵩壽得重字



睿澤逮仙班。元衡

恩禮重。廣儲梁棟材。曰惟舟楫用。的皜八磚明。

深沉三館共。推誠遠邁唐。題署還超宋。欣

覩

翠華來。得叨簪筆從。卷阿愧矢音。願效王褒頌。

詹事 臣張鵬翀得恩字

仙禁新丹采。龍墀賁紫軒。百年文際盛。二



老德彌惇。讌樂隆儀備。圖球

至教尊。

璇題聯象緯。

睿思蘊乾坤。苑樹先春氣。宮袍得酒痕。小臣蒙  
眷渥。分韻亦沾恩。

太僕寺卿臣劉綸得叨字

蓬館迎



仙仗。堯觴許共叨。築堤延上相。珥筆列詞曹。  
鑾署覘清切。

龍章荷寵褒。詩徵羣玉府。樂譜八琅璈。甄影移  
瑤席。鑪香覆纈袍。願言銘

盛軌。虞抃戴瀛黿。

僉都御史臣嵇璜得醉字

蘭臺望崇嚴。芸館職清秘。宏規煥木天。



御氣通丹地。奎壁炳台衡。雲霄紆

日轡。

帝歌鳴鳳儀。

宸筆翔鸞賁。宴衍頌那居。禮成歡旣醉。館規拓  
前編。仙籍資新記。藹藹盼槐廳。祥烟鬱深  
翠。

少詹事

臣

裘曰修得酒字



瀛池儼跨虹。蓬觀屹連斗。麗日擁冠裳。清風開戶牖。焜煌

璇榜書。漱灩雕筵酒。道義光三辰。縹緗羅二

酉。雍雍趨末階。穆穆瞻

聖后。許

國有寸心。相將期不朽。

侍讀學士臣世臣得深字



熙朝文治洽。

聖王右文深。壁府圖書煥。芸臺

法從臨。羣仙賡雅什。一德贊天謚。玉醴盈堯  
竿。金徽叶舜琴。叨榮逾往古。勉學媿分陰。  
忝竊無由報。題辭罄末忱。

侍讀學士臣于振得載字

紅泉耀星楣。紫氣迎



仙隊藝苑慶遭逢。

宸襟欣茂對。堂深香穗凝。檐聳行雲礙。

寶墨煥晴霞。璫漿浮碧瀼。豈惟重鵷鸞。良以優

鼎鼐。微臣職

起居紀錄光前載。

侍讀學士臣陳邦彥得歌字

桂苑宏規迥。瀛洲



翠輦過。

雙題日月麗。

五字錦雲羅。班坐開嘉讌。分曹奏短歌。禮從者  
德重。

恩被侍臣多。遲暮依青鑠。追陪振玉珂。染豪賡  
喜起。拜手誦卷阿。

侍讀學士

臣

涂逢震得春字



西山開秘苑。甲觀敞重闔。五緯奎文聚。三  
階慶澤新。上公同授簡。庶寮共垂紳。牋爲  
題詩擘。

恩沾醉酒均。

天香分玉案。綺席錯花茵。獻壽隨簪笏。同賡億  
萬春。

祭酒

臣

崔

紀得興字



論道重三台。崇儒臨

萬乘。雕楹賀燕翔。藻井文虹亘。鎬宴酌金罍。虞  
諧調玉磬。參差花影移。糾縵雲祥應。幸際  
代明良。彌祈天保定。相將贊治機。詎比吟  
春興。

侍讀臣雙慶得曲字

蘭省駐



宸輿瓊筵徵雅曲。絃瀛

聖化咸霖雨。台臣屬秀綵。結華輪。雕甍迎瑞旭。

典墳政所資。德義心斯沃。梁水戢鴛鴦。金

臺羅駿騶。登瀛愧匪材。敬業期深勗。

侍講臣觀保得情字

萬幾餘暇日。芸署葺初成。葭管緹廬寂。寒花

輦路榮。堯年甲子始。舜樂應鐘鳴。良輔方聯



鼎諸臣共獻觥醕頌

天澤美。壁映彩豪橫。掌故傳鴻典。康哉洽  
聖情。

中允臣于敏中得竭字

香浮白虎樽。雲護蒼龍闕。

明良際泰階。

警蹕傳陽月。班依



寶仗分。榜啓。

銀鈎揭。

恩光浹鼎台。

宸詠聯簪笏。題標麗正詩。盛紀蓬萊碣。寵榮被  
詞臣。勉矢涓埃竭。

中允臣董邦達得爲字

梓材賁鄧林。綺組榮金匱。彩映上台星。光



分香案吏。和羹袞繡聯。受爵簪裾萃。奎斗  
麗飛甍。雲烟籠

寶字。仰思

聖主恩。俯益愚臣愧。古訓期服膺。已人審所爲。

贊善臣宋楠得知字

玉祀傳

綸綍。金門盛羽儀。自天飛



翠蓋就日捧瑤卮。論道敦耆舊。敷言廣

訓辭。風清鵠鵲觀。人在鳳凰池。

恩湛三霄露。文慚五色絲。

聖顏瞻有喜。應許侍臣知。

御製得音字

木天臨翠輦。鵠侶集華簪。廣學心常切。因文道  
可尋。橫汾陰豈昔。來泮水猶今。禮樂於斯盛。觥



931  
疊取次斟詩。慚得珍字。辭喜獻官箴。返轡重城暮。猶聞歌誦音。

御製

重開甲子文治昌。

佐文贊治資賢良。

大學士伯臣鄂爾泰以

聖繼

聖垂經常。

大學士伯臣張廷玉於赫



太上示清行

大學士臣福敏

繩武弼基繫我

皇

大學士臣陳世倌

四聰四目開明堂

大學士臣史貽直

野無

遺賢始悅康

禮部尚書臣任蘭枝

梗楠杞梓松柏桑

兵部尚書

臣彭維新珣玕琪映璆琳瑯

刑部尚書臣張照

從

龍從虎雲風翔

工部尚書臣汪由敦

葭徵玉管迨初

陽

左都御史臣劉統勲

集賢落成隆桷桷

吏部侍郎臣阿克敦

連延霽篠以輝煌

戶部侍郎臣梁詩正

老槐蔽景綠



庭廊

倉場侍郎  
臣彭樹葵

奪暑却寒溫又涼

兵部侍郎  
臣王

承堯

法度既備丹雘彰

兵部侍郎  
臣陳惠華

諄誨故老

宜徜徉

刑部侍郎  
臣錢陳羣

展也宴寢凝清香

工部侍郎

臣德齡

將作入奏報克襄

工部侍郎  
臣呂熾

帝曰朕其鴻厥慶

內閣學士  
臣宗室塞爾赫

來游來歌雅所

臧

內閣學士  
臣德新

況今二老民之望

內閣學士  
臣秦蕙田

爰飛



神翰拂縑紉。

副都御史  
臣勵宗萬

金壺墨瀋流淋浪。

宗人  
府府

丞臣任

璇題雙賁日月光。

通政使  
臣敷文

仙豪雄

啓運

健擺礪礪。

通政使  
臣張若靄

筆勢一落千丈强。

大理

寺卿臣

勁力外爽神內藏。

詹事  
臣張鵬翀

點蹲芒

嵩壽

玉磔迴岡。

太僕寺卿  
臣劉綸

金薤倒披貫柳魴。

僉都

御史臣

鸞鶴交翥上銀潢。

左通政  
臣張映辰

煙雲

嵇璜

舒卷難形相。

右通政  
臣鄧時敏

榮光屬天莫可量。



少詹事臣 裘曰修

未許常侍擬登牀。侍讀學士 臣世臣 飛

白賜蘇讓美芳。侍讀學士 臣于振

矧乃仙巢署蒼

筴。侍讀學士 臣陳邦彥

吉日庚午日之剛。侍讀學士 臣涂逢震

遂移

天屣下闔閭。侍講學士 臣龔渤

警蹕駭顧陞楯郎。祭酒 臣鄂

容安龍鸞和鈴鏗復鏘。祭酒 臣崔紀

揚金鏤而拖

玉鑲。四譯館少卿 臣余棟 雲罕俾倪導纓纓。順天府 府丞臣



鄭其儲

葉葉秀文覆儀鎧。

太僕寺少卿臣陳其凝

紛敷

旖旎從風揚。

鴻臚寺卿臣梅穀成

歷天捎星耀日鉉。

光祿寺少卿臣竇啓瑛

紫烟煜爚御道黃。

庶子臣周資陳瀛

池儼立千鴛鴦。

侍讀臣雙慶

金紫銀艾簪截肪。

侍讀臣周玉章

入門升階和以莊。

侍講臣觀保

吉輝真

氣溢圓方。

侍講臣雙頂

六章五采葱衡瑒。

諭德臣興

泰

如天啓門日在房。

洗馬臣李文銳

馮翼孝德瞻



顥。臣候補洗馬。王多吉士咸對。敷中允臣于敏中。

尊師九拜謁

素王。

中允臣

迴過劉井憇東廂。

贊善臣

昌黎文

董邦達

伯社茲鄉。

司業臣

北門學士奠椒漿。

司業臣陳

世烈編鐘鼗鼓韶濩綱。

左參議臣薄海

崇牙樹羽虞

趙趙。

右參議臣

高管噉嘯龍耶凰。

編修臣阮學濬

象鳳翼笙班管長。

編修臣

玫瑰作柱朱絲



張

編修臣  
沈文鎬

翽翽繁會相低昂

檢討臣  
鐘音

繞風

停雲慨矣慷

編修臣  
陸嘉穎

人聲諧律相和倡

編修

臣白

分刊節度窮窈茫

編修臣  
周煌

欣與人心

瀛

犁然當

編修臣  
路斯道

鳥爲拊翼魚闖防

檢討臣  
德保

如軒張樂洞庭旁

編修臣  
秦勇均

元臣稽首鳴珩

璜

檢討臣  
周長發

敬上千秋萬歲觴

編修臣  
周正思

于胥

樂兮無怠荒

編修臣  
柏謙

一獻百拜禮則詳

編修



臣張映斗朱虎熊羆與爰斯。編修臣任端書雝雝肅肅

濟濟蹌蹌。編修臣林蒲封炊金饌玉出禁坊。編修臣萬年茂

太清紅雲員嶠霜。編修臣李龍官翠濤醪醕醕醕醕

醇。編修臣曹秀先拒妝蜜餌有餒餒。檢討臣韓彥曾猩唇

旄約雋翠腳。檢討臣周禮越駱茵和陽樸薑。檢討

臣郭肇鏜江橘夢柚常山棠。編修臣錢琦遠方口實

導擇將。編修臣董泰鼎中變化尹對湯。編修臣朱邦綏



微纖精妙大官湘

編修臣姚廷佑

炙三弋五應未

嘗

編修臣葉酉

帝歌卿雲宮繞商

編修臣王居正

八伯咸進拜手颺

編修

臣汪師韓

韻得燕公五字章

編修臣金相

聯吟更仿

漢柏梁

編修臣孫人龍

式瞻

天藻萃圭璋

編修臣潘乙震

圓龍方虎排明璫

編修臣楊述曾

日星胷迴錦繡腸

編修臣徐景熹

薰風晨露相頔頔

編修



臣湯燭龍銜曜光四煬。檢討臣衝波激岳

聲蔣蔣。編修臣昭融至道若雨暘。編修臣

蔡揚宗

王覺蓮

天光下濟濡荻芒。給事中五色秀華流戴匡。給事中

鍾衡

事

中臣程披條振藻六藝場。給事中風雷

楊二酉

鼓舞物蒼蒼。給事中鐫勒琬琰傳膠庠。

程盛修

給事中王興吾流播樂府諧笙簧。給事中從

周祖榮

臣才藝花發莒。給事中駑駘步武龍騰

鄒一桂



驤

給事中  
臣胡定

蓬萊望見風引檣

給事中  
臣馬宏琦

桃

開鬱水滿磅礴

監察御史  
臣包祚永

聖涯游泳涵絃

滄

監察御史  
臣李清芳

淼不可卽空徬徨

監察御史  
臣孫灝

乃知

天文元氣航

監察御史  
臣吳文煥

聖處不須一葦杭

監察御史  
臣張漢

雕蟲篆刻宜慚惶

監察御史

越玉五重厠匏甌

監察御史  
臣范咸

分

臣馮秉仁



931  
嬰立仗老肅爽。臣監察御史張孝捏泰華千仞登跛

牂。臣監察御史楊開鼎學優得文愧應瑒。臣監察御史馮元欽

春蘭秋菊雜藏蓂。臣監察御史歐堪善風松奚用引

蜩蟬。臣監察御史沈景瀾迫窘詰屈走踣僵。臣監察御史沈

廷芳願歸夜讀發青箱。臣庶吉士邵齊燾畋獻二酉

羅三倉。臣庶吉士寶光鼎天祿石渠居就糧。臣庶吉士

凌鎬易參肅弼詩申蓂。臣庶吉士羅暹春斟羹噉齧



飫膏粱。

庶吉士  
臣田沅

研味道腴棄粃糠。

庶吉士  
臣胡澤

潢

博聞爲饋貧之糲。

庶吉士  
臣王世仕

學海萬里

去鳴榔。

庶吉士  
臣王太岳

珊瑚結網麗鯨鱗。

庶吉士  
臣

朱

寧甘決起搶榆枋。

庶吉士  
臣張泰開

不離省闥

希文彊。

庶吉士  
臣姚範

溫恭朝夕莫或遑。

庶吉士  
臣劉炳

湮霞浹濯玉雪裝。

庶吉士  
臣孫廷槐

効愚千慮一

贊勲。

庶吉士  
臣朱佩蓮

中夜起舞不能忘。

庶吉士  
臣德保



聖人端拱垂衣裳。庶吉士臣調和玉燭握珠囊。

蔡時田

庶吉士淳風沕穆恩滂洋。庶吉士鈴轄不

臣徐瑋

臣經聞

動矢直狼。庶吉士化被萬國通狼臙。庶吉士

臣王鋌

士臣

杜若遠致赤兔來白驪。庶吉士不但蠻狄

拙

臣盛格

與戎羌。庶吉士顧汝修

臣

皇仁旁鬯風泱泱。庶吉士

臣戈岱

上天降豐歲其穰。庶吉士六氣無易盛德禳。庶吉士

劉錫齡

吉



士臣閻  
循琦

十雨五風絕旱蝗

庶吉士臣  
覺羅奉寬

引恬

引養無胥戕

庶吉士臣  
惠元士

際茲休明敢不夙

庶吉士  
臣金洪

旁招俊乂匪其彭

庶吉士臣  
蔣辰祥

渙羣

元吉馬匹亡

庶吉士臣  
叢中芷

橘徠服兮甘在瓢

庶吉士臣  
周孔從

素絲五絨風羔羊

庶吉士臣  
王康佐

朝

黻永無鵜味妨

庶吉士臣  
廖芳蓮

泰交一德凜復

隍

庶吉士臣  
陳桂洲

永膺



萬福儲千祥。

庶吉士臣熊爲霖

天人和樂未渠央。

庶吉士臣

黃遇隆

冬日晏溫下紅牆。

庶吉士臣熊元龍

憂然清

韻傳風篁。

庶吉士臣張日譽

六龍迴跋搖鏤錫。

庶吉士臣陸樹本

拜送遙瞻豹尾槍。

庶吉士臣周人騏

都人抃舞喜若狂。

庶吉士臣周燾

作歌

賡拜追虞唐。

庶吉士臣程景伊

不數橫汾與長楊。

庶吉士臣邱柱

蓼彼蕭斯零露瀼。

庶吉士臣陳大琚



恩深如海奚以償。

庶吉士臣  
出科聯

玉堂盛事垂無疆。

庶吉士臣

儲麟趾

御製是日復得詩四首并示諸臣

歡騰芸署小陽春。此日崇文引席珍。顧我慙爲  
房杜主。豈伊獨數馬鄒臣。石渠典故應增舊。壁  
宿光華更覩新。影麗花磚爭到八。儘教沾醉酒  
三巡。



瑞旭瞳矐靄扇鸞。筵開翰墨會衣冠。五車四庫  
從來紀。劉井柯亭取次看。玉版揮毫盈鳳沼。花  
瓷賜茗擘龍團。濟川自古資舟楫。便欲因尋學  
海瀾。

昌辰天祿集鵷聯。欣詠斯干小雅篇。鳥革翬飛  
躋君子。誦詩講易共高賢。光凝黼座垂華藻。篆  
繞猊爐散瑞烟。咫尺玉堂清切地。底誇瀛島說



登仙。

百年禮樂慶昭融。保泰常持惕若衷。漫以新詩  
鳴豫大。誰將忠告贊欽崇。傳巖夢賚應無藉。唐  
室賡歌訝許同。心喜百僚知我意。不將高議詡  
升中。

御注。按唐書張說倡封禪議。帝召說與禮官學  
士。置酒集仙殿云云。故其時諸臣詩中。有高  
議待升中。又將陪玉檢泥之句。夫以崇儒之  
雅舉。隱遂滿盈之私志。非朕所取。惟是兢兢



業業與日俱長。頌不如  
規。我君臣其共勉之。

大學士臣鄂爾泰臣張廷玉等

奏伏惟

殊榮賁於冊府。

睿藻輝煌。

愷澤沛於詞林。

恩華稠疊。曠千秋而紀盛。偕庶尹以騰懽。欽



惟

皇上

濬哲性成。

欽明光被。

接羲軒堯舜之統。

德乃日新。

揆星雲河嶽之文。



聖由天縱。璿璣幹運。際甲子之重開。寶籙迎祥。  
繼雍熙之累洽。丕煥右文之典。用彰稽古  
之榮。繫是詞垣。素稱清秩。本崇政集賢之  
重地。沿邇英麗正之遺規。樸斲宜勤。棟隆  
惟吉。爰頒

巽命。俾予鼎新。藻井芝栢。鬱虹梁之特起。璇題  
寶畫。揭鳳榜以高懸。亭號瀛洲。真成方嶠。地連



華蓋。名稱玉堂。屬廣廈之初成。展鈎陳而  
夙駕。

帝車紆軫。光臨奎壁之垣。日晷騰輝。彩徹台階  
之次。鵷行雲擁。屹

黼座以中開。豹尾星陳。啓瓊筵而肆設。雲璈錦  
瑟。聆廣樂於鈞天。翠釜金罍。酌衢尊於丹  
地。



1931  
摘章寵示。韻分燕國之篇。染翰聯吟。製仿西京  
之體。

金聲玉振。集條理之大成。乾端坤倪。冠苞符而  
首出。鐫諸琬琰。掩八伯之咸歌。逖考縹緗。  
陋三侯之成咏。斯文極盛。振古希聞。臣等

幸邁

昌期。叨塵秘省。仰



王言之鄭重。勉效論思。誦

睿製以驚惶。多慚寅亮戴。

巍巍之至德。莫申天保報上之忱。思藹藹之吉

人。共志卷阿來遊之盛。寵深逾分。感極難

名。凡茲與讌諸臣。共喜普沾。

異數。在昔纈袍蓮炬。尚焜耀於曩編。與夫玉署

金鑾。第鋪張於往載。豈如



今日。覃被

恩施。尋巢猶記鳳池。同荷需雲之渥。釋屣甫來  
芸館。均瞻復旦之華。拜稽竊附於歌虞。醉  
飽還逾於宴鎬。波添瀛海。

恩重鰲山。惟當共贊夫休明。冀以稍酬於

高厚。所有感激微忱。理合公同具疏恭

謝。伏乞



聖鑒施行。

臣等竊惟從古治朝。必隆文學侍從之職。

漢時天祿石渠。承明金馬。皆稱著作之庭。

唐開元中。初置翰林院。歷代相沿。其選益

重。而恩禮亦愈優。前史所傳。莫可殫述。謹

按前代帝王臨幸詞苑。自唐已然。至宋尤

盛。太宗雅尚文儒。太平興國中。御書飛白



玉堂之署。賜學士蘇易簡。行幸其苑。古今以爲美談。其後紹興淳熙間。屢幸秘書省。宴賚彌厚。前代永宣二朝。幸文淵閣。並至史館。然考其時。鑾坡秘省。皆在掖垣之內。

國初

太宗文皇帝

世祖章皇帝屢幸內院。披尋典墳。諮訪治道。而其



時內三院亦尚在

禁中。夫以蘭臺芸館環拱於

紫微太乙之旁。邇

天光而停

日御。榮莫大焉。若院署之在長安左門外者。則

臣僚公廨。非敢望

乘輿之及也。惟茲



景運方昇。文明大啓。棟隆旣竣。

玉趾親臨。揚

葆份於槐廳。導鼓吹於鳳沼。堯樽徧酌。禹膳

均頒。樂奏九成。禮隆三爵。倡薰風之

睿藻。繼卷阿而矢音。凡官翰林者。旣得鄰席。賡

颺載親

色笑。而內閣學士

臣

塞爾赫以宗室能詩。



特命入三十八人之內。尤盛事之可傳者。堂哉  
皇哉。自載籍以來。未有眷顧儒林。普徧優  
渥。若斯之隆者也。一時與宴諸臣。鼓舞稱  
慶。拜賜。

闕廷。其年適遇賓興。皇華銜

命之臣。道路傳聞。咸有每懷靡及之慮。都門人  
士。顧瞻玉堂。如在天上。而四方草澤。汲古



嗜學之儒。且彈冠色喜。以爲千載一時。不可逢之嘉會也。洵足以示後世而垂無窮也已。臣等編輯

盛典旣成。恭識數語於簡末。雖於

聖天子振興文教。崇儒勸學之盛心。不足窺見萬一而遭際

聖明。道揚



盛美。則竊有深幸焉。謹跋。